

DISPUTATIO JURIDICA
DE

Compensationi- bus,



Q V A M

D. O. M. F. A.

*Permissu & Autoritate Magnifici Jctorum
Ordinis in celeberrima SALANA*

SUB PRÆSIDIO

DN. ZACHARIÆ Prüeschencffen/
J.U.D. PROFESS. PUBL. CURIÆ PROVINCIA-

lis & Scabinatus Jenensis Adfessoris dignissimi; Domini
Præceptoris, Promotoris & Affinis sui perpetuo
honoris cultu afficiendi;

Publico Examine subicit

JOHAN. PHILIPPUS ROMANUS

Ad diem Septembr.

In Auditorio Jctorum horis consuetis.

J E N Æ

TYPIS PHILIPPI LIPPOLDI.

ANNO M. DC. XXXV.

2000

ADAMS

[Faint handwritten text at the bottom of the page]

THE UNIVERSITY OF CHICAGO

S. N. D. B.

THESIS I.

Compensatio (a) est debiti & crediti
(b) inter se (c) contributio (d).

(2) Vocatur etiam pensatio in l. 18. ff. de pign. act. l. 67. §. 3. & 4. ff. de leg. 2. l. 29. ff. solut. matr. l. 7. §. 1. l. 15. h. t. de compensat. & interdum significat imputationem, l. 39. ff. de pign. act. interdum perceptionem cuiuscumq; emolumenti, l. 1. §. 3. ff. de pign. lib. interdum deductionem seu retentionem §. 2. Inst. de societ. a qua tamen revera differt l. 15. ff. rem rat. hab. l. 24. C. famil. hercisc. quia compensatio iuris est, retentio plerumq; facti. Dicta est ab antiquo ari appendendi more, quo veteres ante inventum signata moneta usum usi fuere, ut testatur Anton. August. 2. Emend. cap. 8. Leonh. Cöppel. tract. de compens. c. t. n. 2. Donell. lib. 16. comment. c. 15. ibiq; Hillig. L. A. Et ab aequitate, l. 36. ff. de administ. & peric. tutor. l. 5. l. 6. C. h. t. partim naturali, quia interest nostra potius non solvere quam solutum repetere l. 3. ff. h. t. doloq; facit, qui petit id quod restitutus est. c. 59. de Reg. jur. in 6. ac deniq; aequitati convenit, ut Actor, qui sibi satisfieri cupit, praestet, quod contra Reo debet; partim civili introducta, quoniam compensatio ad dirimendas lites pertinet, ne fiat per plura quod fieri potest per pauciora l. 39. §. 1. C. de Appellat. W. esenb. in π. ff. de compens. n. 2. & 3. (b) Debitum ut & creditum verbum tripliciter ferè in iure accipitur: 1. Generaliter, & minùs propriè, ubi non saltem id, quod ex pecunia mutua, vel ex alia quacumq; obligatione, sed etiam quod ex delicto oritur, debitum & creditum nuncupatur, ut apparet ex l. 12. ff. de verb. signif. imò etiam ad naturalia l. 6. ff. h. t. quae tamen propriè credita & debita non sunt. l. 16. §. 4. ff. de fideiuss. & ad actiones reales refertur, argum. pr. Inst. de act. & l. 51. ff. de Obl. & Act. 2. Specialiter, & pertinet tantum ad obligationem conventionis; quotiescumq; enim fidem alicujus securi sumus, toties dicimur illi credidisse l. 11. ff. de Verb. Signif. l. 10. ff. de judic. l. 1. ff. de reb. cred. 3. Specialissimè, pro obligatione mutui tantum, arg. l. 11. C. si cert. pet. l. 15. ff. de reb. cred. l. 3. §. 3. ff. ad Sc.

Macedon. In hac definitione sumitur generaliter, quia non tantum obligationes, sed etiam actiones in rem l. fin. pr. C. de compens. & delicta invicem compensantur l. 39. ff. solut. matrim. l. 36. ff. de dol. mal. (c) Glos. quam secutus est Sebast. Medt. in tra&. de Compens. part. 1. quaest. 1. hac verba inter se, ad contrahentes; Contra verò Leonh. Cöppel. d. c. 1. n. 10. & Joh. Borch. de compens. c. 2. n. 13. ad verba precedentia debiti & crediti refert; Non omnino rejicienda videtur Glos. explicatio, ex eo, quod regulariter debita contrahentium tantum, non etiam alterius cujusdam in compensationem deducantur l. 9. C. h. t. us infra latius patebit; quamvis etiam posterior admitti posse videatur. (d) Contribuere idem est, quod conferre, ut patet ex l. 1. ff. de Leg. Rhod. de ja&. si enim conferam quod tibi debet cum eo, quod tu mihi debes compensatio inducitur l. 1. ff. h. t.

THESIS II.

Compensare potest non tantum reus conventus, (a) sed etiam Procurator, (b) Tutor, (c) Fidejussor, (d) Correat promittendi, (e) & Filiusfam. (f).

(a) Regulariter compensare possunt si tantum, qui sibi invicem debitorum sunt & creditores l. 30. ff. de condict. indeb. l. 2. ff. h. t. d. l. 9. C. eod. Reus enim conventus non aliter potest uti compensatione, quam si actorem sibi vicissim habeat obligatum; quamvis tertius aliquis substituendus Rei scilicet debitor sit creditor Actoris. Atque hoc procedit, etiam si Reus sit excommunicatus, quod probatur per c. 8. ext. de dol. & contum. & c. 5. ext. de Except. ubi in illo excommunicatus potest solvere, compensatio verò est quadam solutio l. 4. qui pot. in pign. in hoc exceptio illi permittitur atque defensio, qualis etiam est compensatio, ut patet ex §. 30. Inst. de action. l. fin. C. h. t. non obstante eo, quod excommunicatus agere nequeat, arg. c. 7. ext. de jud. c. 8. ext. de except. Reus verò excipiendo fiat actor l. 1. ff. de Except. quia hoc procedit quoad onus probandi: proprie enim actor non est, cum sibi aliquid adjudicari non petat, sed intendit Actorem à petitione sua repellere l. 2. ff. de Exception. Gail. de Pac. Publ. lib. 2. Obs. 12. num. 23. Quidam indistinctè hoc etiam trahunt ad Ban- nitum, ut Leonh. Cöppel. d. tract. cap. 3. n. 8. Sebast. Medic. d. tract. part. 2. quaest. 3. Treutl. vol. 1. Disput. 25. th. 10. lit. C. quod non omnino placeat Bachov. ad Treutl. d. loc. Ut enim hac assertio vera

vera sit, ponendum putat specialem casum, quando videlicet Bannitio bona relicta sunt, quod fieri interdum patet ex l. 14. §. fin. ff. de interd. & releg. Aliis regulariter Bannitio & deportatio bona adimuntur, ita ut obligationes quoque pereant & in fiscum transferantur. l. 47. in pr. ff. de fidejussor. Illud notandum, neg. Excommunicatum, neg. Bannitum in propria persona compensare, sed saltem per Procuratorem posse. Leonh. Cöppel. d. tract. cap. 3. n. 9. (b) Regula jam tradita est, videlicet neminem compensare posse, nisi is, qui debet, vicissim actorem sibi habeat obstrictum; quæ regula quasdam patitur exceptiones, & quidem 1. ratione administrationis; quæ in classe ponitur Procurator. Et de illo, qui non suo, sed alieno nomine agit aut convenitur, quin compensationem allegare possit, minus dubitandum; quod enim quis per alium facit, per se ipsum fecisse creditur; quemadmodum etiam de Procuratore in rem suam res expedita est. Per cessionem namque sibi factam cessionarius proprius sit creditor, probaturque hoc per l. 18. princ. ff. h. t. Verba tamen in d. l. 18. princ. (post litem contestatam) non leve facessere videntur negotium. Accursius enim & post eum Treutl. d. Disp. 25. th. 10. lit. B. hisce verbis mori statuerunt, Procuratorem in rem suam tantum post litem contestationem compensare posse, & tamen etiam alios adhuc casus admittunt, videlicet acceptionem partis debiti & denunciationem, atque sic tacite quodammodo sibi contradicunt, cum is qui partem accipit & maxime qui denunciatur tantum, litem utique non contestatur, ut docet Bachov. ad Treutl. d. Disp. 25. th. 10. lit. B. Verè igitur sentiant, quos inter est Cujac. lib. 24. Obs. 37. Leonh. Cöppel. d. tract. cap. 3. n. 10. & seqq. Anton. Fab. lib. 12. conject. cap. 6. qui compensationem in Procuratore in rem suam tam ante, quam post litem contestatam locum habere autumant, nihil moventes, quod in d. l. 18. princ. h. t. litem contestata fiat mentio; unius enim inclusio non est alterius exclusio, & fortasse Papinianus de eo casu, de quo quaesitus fuit, respondit, existimante Duaren. ad Tit. de Compensat. t. r. circ. fin. Vide Leonh. Cöppel. d. tract. cap. 3. n. 13. (c) Ad hanc quoque administrationis classem refertur Tutor. Quod enim lit. præced. de Procuratore rei alienæ dictum est, etiam in tutore per easdem rationes locum habet, illumque compensare posse diseretè traditur in l. 11. C. de Compensat. non solum quando agit nomine pupilli, sed etiam suo nomine contra pupillum.

iosum, in casu scilicet intentata actionis tutela l. 1. §. 4. ff. de contr. tutel. act. Compensatio enim est pro solutione, quam tutores pro pupillis expedire, & ita consequenter compensare queunt. Tyndar. tr. de compenl. artic. 7. n. 6. Seb. Medic. d. tr. p. 2. q. 14. (d) 2. Ratione obligationis comperare possunt Fidejussores, qui Reorum principalium nomine conveniuntur. Nam beneficia qua Reo Principali profunt, etiam ejus fidejussoribus prodesse debent, per l. si. C. de Except. l. 19. ff. de Except. l. 32. ff. de fidejuss. Verum si quis utriusq; tam Reo, quam fidejussori vicissim aliquid debeat, liberum est fidejussori compensare id, quod sibi aut quod Reo debetur l. 5. ff. h. t. cum quilibet juri suo renunciare possit l. pen. C. de pact. Borch. tract. de Compens. cap. 3. n. 23. & 24. (e) Item correi promittendi, si scilicet ambo correi societatem habeant, l. 10. ff. de duob. reis constit. aut invicem fidejusserint, l. 11. ff. eod. de duob. reis. Extra hunc respectum correo debendi plane nihil prodest, quando stipulator alteri reo quid debet; uterq; enim Reus in solidum obligatur, non aliter, ac solus quique promississet, l. 2. l. 3. §. fin. ff. de duob. reis constit. Neg, hoc correctum est per Nov. 99. cap. 1. ut quidam perperam existimant, quos bene refutant Magnus & Nobilissimus Dn. Ordinarius D. Arumæus] Cuius famigeratissimus, Præceptor & Patronus meus summo honore prosequendus Exerc. 13. quæst. 9. Dn. Riem. p. m. Dec. 10. quæst. 7. Hillig. Don. Enucl. lib. 16. cap. 25. lit. G. (f) 3. Ratione conjunctionis personarum. Hac enim ratione filium fam. compensare posse, id quod patri debetur, expresse probatur per l. 9. §. 1. ff. h. t. hac tamen conditione, si filius caveat, patrem ratum habiturum, id est, non exalturum, quod si compensaverit, & quidem non solum in casu contractæ societatis, ut putat Borch. de compenl. cap. 4. n. 22. & seqq. sed indistinctè, quando filius convenitur; quia unus est contractus d. l. 9. §. 1. b. e. non multum interest, filius an Pater contraxerit, ut qui pro una eademq; habentur personæ l. fin. C. de impub. & al. substit. & quicquid filius acquiris, patri id omne acquiris, t. t. Inst. per quas person. cuique acquir. etiam quoad peculium pr. Inst. quib. non est permis. fac. test. quamvis acquisitio ista tempore Justiniani modo non leviter inminui cæperit. l. 1. l. 6. l. fin. Q. de bon. quæ lib. Nov. 117. c. 1. in pr. Vicissim etiam pater, quod filio debetur, compensat. Leonh. Cöppel d. tr. c. 3. n. 17. & seqq.

THESIS III.

Opponitur compensatio cuilibet aëtori, (a) etiam si sit Respublica vel Fiscus, (b) item cessionario, (c) Patri, (d) non etiam tutori (e).

(a) Paticogitur aëtor sibi à Reo opponi compensationem, non aliter tamen, quàm si Reo vicissim & non alii aliquid debeat. Quum admodum enim regulariter reus compensationem objicere non potest, si aëtor non sit ipsius debitor; ita e contra aëtor non cogendus est compensationem sibi objectam admittere, si iterum non Reo, sed tertio alicui sit obligatus. In quod adeò verum, ut ne volente quidem illo tertio compensatio procedat sicut manifestè probatur per l. 18. §. 1. ff. h. t. (b) Fisco aliàs multa privilegia indulta esse t. t. ff. & C. de jur. fisc. satis luculenter demonstrant; sed tamen propter summam aequitatem quæ compensatio niritur, etiam fiscus eandem pati cogitur, l. 12. l. fin. ff. h. t. hæc quidem cum limitatione, ut eadem statio, qua petit, quid debeat. Quod enim ab alia statione debetur, alterà statione agente, non compensatur l. 1. C. h. t. de compensat. & hoc propter confusionem diversorum officiorum servandum esse, ait ibid. Imperat. Exceptiones ab hac regula quedam enarrantur in l. 46. §. 5. ff. de jur. fisc. & l. 3. C. h. t. quas latè deducit Donell. lib. 15. comm. cap. 16. (c) De Procuratore in rem suam, an & illi, ejus, quod non ipse sed principali, sive cedens debet, compensatio obijci possit, intricata est controversia; Quidam indistinctè hoc adfirmant, è quorum numero est Tyndar. tract. de Compensat. artic. 7. n. 4. & Sebast. Medic. eod. tract. part. 1. q. 43. ex eo, quòd fieri non potuit cessio in præjudicium habentis exceptionem, & idè transivit actio cum fiducia; sed rectè Bachov. ad Treutl. d. Disp. 25. th. 10. lit. D. negat debitori per hanc cessionem offerri præjudicium, cum ipse contra suum debitorem adhuc habeat actionem, qua non impeditur per hanc cessionem. Alii adfirmant quidem, hæc tamen addidit limitatione, ut tunc demum cessionario compensatio obijci possit, si debitum cum cedente ante cessionem contractum sit, non autem si post illam, quòd hoc casu actio cum suo onere translata censetur; Et hoc post alios defendit Leonh. Cöppel. d. tract. de Compens. c. 4. n. 9. & seqq. Treutl. d. Disp. 25. th. 10. lit. D. Verùm sciendum est, extra hunc respectum nullam aut planè exiguam dubitandi rationem superesse. Nonnulli simpliciter distinguunt inter causam lucrativam

Generosam, ita ut cessionario ex causa lucrativa omnino possit obijci, non verò ex onerosa. Aliqui deniq; considerant, utrum cessionarium nomine proprio actione utili agat, an verò directà cedentis nomine: hoc casu compensationi locum faciunt, quia sic eundem pro simplici saltem procuratore habendum putant; non verò si suo nomine utilem exerceat. Quippe summā aliās afficeretur injuriā cessionarius, qui cum debitore cedentis nihil contraxit, ac proinde etiam factum foret cessionarius, si directam moveret, inquit Bachov. add Dilp. th. 10. lit. D. Qua ultima ejusdem opinio mihi prae alia verior videtur.
(d) Si Pater vel Dominus agant ex societate filii vel servi, qua societas illi tertio à Patre convento vicissim aliquid debet, tunc reus conventus potest compensatione uti, & illam Patri vel Domino objicere, non quidem quatenus peculium patitur, ut factum esset, si Rens prius egisset, sed in solidum, ut probatur per l. 9. pr. ff. h. t. Hoc enim ipso quò Pater vel Dominus agunt, societatem filii vel servi se ratam habere testantur: Unde per hanc legem bene probatur Dd. illud effectum; in eodum aliquid servari per exceptionem, quod non servari possit per actionem. Joh. Borch. d. tract. de Compens. cap. 4. n. 23. Leonh. Cöppel. eod. tract. cap. 4. n. 6 & 7. (e) Si scilicet Tutor pupilli nomine agat, tunc enim debitum Tutorum non potest compensari cum credito pupilli, per l. 13. ff. h. t. Pugnares enim hoc expresse cum regula supradicta, videlicet debita propria tantum non etiam aliena in compensationem venire. Eo ipso namq; cum Tutor pupilli nomine agit, non tutor, sed ipse pupillus agere videtur, arg. Rubr. Inst. de iis per quos ager. poss. Donell. lib. 16. comm. cap. 15. Leonh. Cöppel. d. tract. cap. 4. n. 5.

T H E S I S I V.

Compensantur res, quæ pondere numero & mensura constant, id est quantitates, (a) item genus cum genere, (b) non verò species inter se, neque species cum quantitate. (c)

(a) Non ita expeditum est, quid per quantitatem in jure significetur Nobis hic non est sermo de quantitate Philo^sophorū sed de ea quæ j. C. tū est propria, quam quidam ad solam penam numeratam restringunt, ut facit Udalric. Zarl. l. b. i. l. iij. Relp. cap. 1 n. 22 quem secutus est Donell. ad l. 22. ff. de Reb. cred. idq; probare conantur ex l. 11.

l. u. ff. h. t. de compens. l. 5. C. si cert. pet. & similibus, sed malè;
 Nam concessio hoc, quod strictè accepto quantitatibus vocabulo pecunia
 saltem numerata intelligatur, ut patet ex dd. & aliis ll. sunt tamen
 alia & quidem plures leges in quibus vocabulum quantitatibus latius u-
 surpatur, veluti in §. fin. l. 2. & l. seq. ff. de eo quod cert. loc. l. 1. 10.
 ff. de Jurisdic. l. 47. §. fin. ff. de jur. fisc. l. 87. pr. ff. de legat. 2. &
 aliis quamplurimis, ex quibus manifestum, illud esse quantitatibus,
 quod numero, pondere & mensura constat; quam sententiam etiam
 tuerentur Gædd. ad d. l. 4. n. 25. de Verb. Sign. Phil. Matth. ad l. 2.
 de Reb. cred. Dn. Herm. Vult. p. m. Præceptor olim meus obser-
 vandissimus Disceptr. Scholast. cap. 10. Borch. de Compens. cap. 2.
 n. 7. & seqq. Posito igitur hoc fundamento omnino statuendum est, in
 solis quantitatibus compensationem locum habere. Sed quid de illa
 quantitate, qua se habet instar speciei, v. g. centum quæ in arca habeo?
 Negant hoc casu compensationem Fachin. lib. 1. contr. c. 6. Treutl.
 d. Disp. 25. th. 8. lit. B. & Bachov. ibidem. Contra eandem concedit
 Hillig. Donell. Enucl. lib. 16. cap. 15. lit. Y, Quæ sententia mihi æquior
 & verior videtur: Licet enim per talem demonstrationem quantitas
 tanquam certum corpus determinetur, natura tamen ejus hac demon-
 stratione non mutatur; est namq; & manet reverà quantitas, proindeq;
 cum alia quantitate rectè compensatur. (b) Si sc. genera sint ejusdem
 materiei, v. g. homo cum homine, bos cum bove &c. Hæc enim ratione
 utriusq; idem deberi videtur, cum debita sub eodem genere sint ejusdem
 estimationis. Et debitor generis præstando mediocriter liberatur l. 37. ff. de
 leg. 1. Secus si sint diversarum materiatarum, ut si ab una parte debeatur
 bos, ab altera equus: nam tunc compensatio non procedit, quia tales
 res in genere suo functionem non recipiunt. Atq; ita sentiunt Glof. s.
 in l. 78. ff. de hered. instit. ibiq; Gothofred. Bachov. ad Treutl.
 d. Disp. 25. th. 8. l. C. frustra dissentiente Treutl. d. loc. Leonh.
 Cöppel. d. tract. cap. 5. n. 8. cum ibid. alleg. Nec impedimento est,
 quod in l. 66. §. 3. ff. de Leg. 2. dicitur, generali hominis appellatione o-
 mnium individua contineri: sicut ergo nulla specierum, ita nec gene-
 rum invicem erit compensatio: Rectè enim respondet post Gl. in d. l. 66.
 Bachov. d. loc. eo saltem effectu contineri individua, ut in quacumq;
 specie rectè fiat solutio; aliàs inter genus & speciem manifestam esse
 differentiam, exinde liquet, quod in speciem possit cadere affectio. ob

mutat qualitates, quæ huic vel illi speciei insunt, in genus verò non item, cum adhuc incertum sit, quodnam debitor præstare velit. (c) Contra hanc communi Dd. ca'culo approbatam sententiam sese opponit Francisc. Duaren. ad Tit. de Compensat. cap. 2. ad Tit. de commod. cap. 6. & ad l. 7. §. 5. ff. solut. matrim. tam specierum inter se, quam quantitas cum specie compensationem esse, contendens; verum invisa l. 18. in pr. ff. de pigner. act. Et est ratio quòd aliud pro alio invito creditori solvi non possit, compensatio verò sit quedam solutio. Quod si in solutione hoc verum est, multo magis in compensatione obtinebit; quia alias absurdè plus imaginaria, quam vera solutioni tribueretur, colligente Magnifico Dn. D. Arumæo d. Exerc. 16. th. 10. Accedit, quòd hac ratione invitus quis rem emere vel vendere cogeretur, contra l. 11. C. de contrah. emt. & l. 16. C. de jur. deliberet. Quid enim Reus, à quo actor, qui reo vicissim certum fundum debet, centum petit, si compensationem objicere vult, aliud in effectu contendit, quam ut actor invitum fundum centum aureis vendere debeat; quod juris non concedunt per l. alleg. Nihil movent textus in l. 7. §. 5. ff. solut. matrim. & alii pro adstruenda contraria sententia à Duaren. d. loci allati: id quod in conspectu fortè demonstrandum. Interim brevitas studio ad alia progredimur.

THESIS V.

Nec refert utrum debitum sit naturale & Civile simul, (a) aut naturale tantum, (b) sive ex contractu oriatur, sive ex maleficio, (c) modo sit liquidum (d).

(a) Quod intelligendum est de ejusmodi debito civili & naturalis simul, pro quo statim actio cum effectu intentari potest. Dari enim obligationem ex tali debito, ubi actio est in suspensio, manifestum est ex debito, quod in diem debetur. Pone Titium debere Sempronio centum, & quidem purè, Sempronium Titio vicissim esse obligatum, sed in diem: Sempronius petit à Titio, Titium objicere vult compensationem, quaritur an sit audiendus? Et respondet Jctus in l. 7. ff. h. r. compensationem locum non habere antequam dies veniat; quamvis enim debeat ante dici adventum per l. 213. ff. de Verb. Signif. per tamen cum effectu ante diem non potest, §. 3. Inst. de verb. oblig. ibiq; Bachov. Quod quidem obinet in obligatione conventionali, cuius dies

dies additus; At non aequè quando miserationis gratiâ ad iudicati
 executionem dies à jure indulgetur l. 16. §. 1. ff. h. t. Borch. d. tr. c. 4.
 n. 7. & seqq. Tyndar. eod. tract. art. 4. n. 23. (b) De hoc textu est
 perspicuus in l. 6. ff. h. t. Addit Tr. d. Disp. 25. th. 8. lit. E. hanc limi-
 tationem, modò tale sit, quod exceptione peremptoriâ tolli non possit, quâ
 tamen malè ad debitum accommodari naturale existimat Bachov.
 ad Treutl. d. loc. Verùm benè illam accommodari posse demonstrat
 exceptio iudicati: quampis enim per sententiam iudicii naturalis
 obligatio non tollatur per l. 60. ff. de cond. indeb. tamen illa
 naturalis obligatio est inefficax, & rejicitur per exceptionem perempto-
 riam rei iudicatae. Nec obstat ratio Bachov. quod quia naturale de-
 bitum peti non potest, frustra de Exceptione queratur. Præterquam
 enim quod quidam dentur casus, in quibus ex naturali quoq; obliga-
 tione agi potest, quanquam irregulariter, quod probant Angel. &
 Porc ad Tit. last. de oblig. non semper etiam necessum est, ut agatur;
 verbum enim exceptionis generale est, & interdum sub se comprehendit
 replicationem. V. g. si quis agat adversus me ex vero & proprio de-
 bito, qui tamen mihi naturaliter debeat, ego è contra vellem opponere
 compensationem; tunc replicando poteris me repellere, per exceptio-
 nem scil. rei iudicatae. Quod de aequitate objicit Bachov. minis strin-
 git: habet enim naturale quoq; debitum reverà in se aequitatem suam
 naturalem; quampis illa per civilem, scilicet exceptionem vincatur.
 (c) Unde promanat vulgatum illud, dolum cum dolo, delictum cum
 delicto compensari, l. 36. ff. de del. mal. l. 39. ff. solut. matrim. mo-
 do tamen civiliter & pecuniariè agatur l. 10. §. 2. ff. h. t. Wesenbec.
 in 7. ff. h. t. n. 4. Si enim criminaliter agitur, tunc nulla delictorum
 potest fieri compensatio. Item cessat in publicis iudiciis; nam in illis non
 spectatur privati cuiusdà interesse, sed vindicta iniuria Reipubl. illata:
 Ex qua delictorū compensatione inferit Treutl. d. Disp. 25. th. 9. lit. C.
 etià injurias verbales & crimē falsi compensationi subiacere; sed vitio-
 se, quoniâ iniuria nō est subiectū habile compensationis ad quantitates
 tantum ut suprà demonstratū, pertinentiis: nisi vocabulū hoc in sensu
 planè improprio, vindicta scil. accipere velimus Aliud tamen dicendū
 videretur si ut rrg. ex injuriis agat ad æstimationē; tunc enim ad concur-
 ren. es quantitates admittitur compensatio. De crimine falsi idem iudi-
 cium. Argumenta à Treutl. adducta admodū frigida sunt, ut demonstrat
 Bach. ad d. Disp. 25. th. 10. lit. C. & D. (d) per l. fin. C. de compens.

& § 30. Inst. de Action. Idg, propter aequalitatem, qua aliàs non servaretur, Wesemb. in π. ff. h. t. n. 7. Magnificus Dn. D. Arum. Exerc. 16. th. 9. Treutl. d. Disp. 25. th. 8. lit. G. ibiq, Bachov. Nec adversatur l. 8. ff. h. t. ubi compensatio admittitur super debito de quo lū est contestata, quod liquidum dici bant potest. Nam liquidum & illud rectè vocatur, quod sine latiori indagine brevi liquidari potest, Treutl. d. loc. Quodnam verò ad debitum liquidandum tempus requiratur, variant Dd. Quidam spacium duorum mensium postulari ajunt per l. 46. §. 4. ff. de jur. fisc. Alii judicis arbitrio id relinquunt; quod & mihi placet. Quicquid enim expresse in jure & Legibus non est determinatum, illud merito arbitrio judicis relinquitur arg. l. 1. §. fin. ff. de jure deliber. Non juvat illorum opinionem d. l. 46 §. 4. ff. de jur. fisc. Specialiter enim hoc statutum est in fisco, ut intra duos menses debitum liquidetur: quod quia speciale, ad consequentiam minime est trahendum per jura vulg. Bachov. ad Treutl. d. loc.

THESIS VI.

Compensatio quæ hodie fit ipso jure, (a) locum habet in omnibus actionibus tam bonæ fidei quam stricti juris, (b) tam in actionibus in personam, quam in rem. (c)

(a) Post latam scilicet constitutionem in l. fin. C. h. t. ubi notandum venit, (1.) quid sit ipso jure fieri? Et quamvis hac in re sibi non aded consent Dd., expeditissimum tamen videtur, si compensationem dicamus ipso jure fieri, quoad vim & potestatem ipsius legis, volentis ut statim à primo tempore concurrentium debitorum liberatio usque ad concurrentes quantitates contingat. (2.) An ita fiat ipso jure compensatio, ut nullo planè hominis facto opus sit? Quod omnino adfirmandum: Quemadmodum enim solutione ipso jure tollitur obligatio, pr. Inst. quib. mod. toll. oblig. ita etiam compensatione, tanquam (ut sæpè iusculcatum) solutionis quadam specie l. 4. ff. qui potior in pign. Magnif. Dn. D. Arum. ex d. Exerc. 16. th. 6. Borcholt. tr. de compens. cap. 3. Leonh. Cöppel. eod. tract. cap. 8. Id quod tamen verum quoad compensationem inducendam, non exequendam, ubi omnino factum requiritur hominis, id est, allegatio partis compensare volentis: judex enim non potest augurari adversarium reo iurissim.

ali-

aliquid debere; Atq; sic accipiendum, quod compensatio interdum dicitur obiecta l. fin. verb. objici. C. h. t. opposita in §. 30. verb. rponi, Inst. de Action. &c. Adde Magnif. Dn. D Arumzum d. l. (b) Magna fuit olim inter bona fidei & stricti juris judicia hæc in re differentia. In bona fidei judiciis compensatio fiebat ipso jure, in strictis vero judiciis compensatio planè cessabat, & remittebatur creditor ad judicium ordinarium, donec Divus Marcus etiam in illis compensationem admisserit, opposita tamen doli mali exceptione §. 30. Inst. de Action. quod tandem Imperator Justinian. nova sua Constitutione, qua est l. fin. C. h. t. de compensat. rursus correxit, & compensationem ipso jure nullà adhibita differentia inter bona fidei & stricti juris judicia fieri sancivit. Quibus jam dictis nihil derogat l. 39. l. 50. §. 1 ff. de hered. petit ubi expressè statuitur, quod in hereditatis petitione, quæ utiq; bona fidei est, arg. §. 28. Inst. de Actionib. compensatio aliter non fiat, quàm per exceptionem doli. Tenendum namq; olim ante Justiniani tempora d'ssidium fuisse inter JCtos de hereditatis petitione, ad quamnam classem sit referenda; quibusdam illam inter bona fidei, aliis inter stricti juris judicia eam referentibus, ut patet ex d. §. 28. Inst. de Action. qua causa fuit, cur diversimodè de illius compensatione senserint. (c) Per l. fin. C. h. t. Absurdum cuiquam hoc fortasse videri posset, quod suprà latè dictum, compensationem locum ut plurimum habere in quantitatibus, cum tamen in actionibus realibus, non quantitates solum, sed vel maxime species vindicentur l. 6. ff. de Rei vindic. Communis Dd. Scobla d. l. fin. ad eum casum restringit, quando non species ipsa, sed loco rei non extantis vel deteriorate ejus æstimatione petitur; quod non immeritò à Bachov. ad Treutl. d. Disp. 25. th. 7. lit. C. & Herman. Gœhausen. patt. 2. Peric. Academ. 7. q. 40. & 41. in dubium vocatur, quia (1.) Imperator sic de casu rariori respondisset, quod præsumendum non est, imò ab ipsius mente longè alienum videtur. (2.) Nihil novi introduxisset, cum jure veteri etiam hoc casu, quando re extincta vel deteriorata ad æstimationem ejus perventum est, compensatio obtinuerit. Rectius igitur sentire videntur Bachov. & Gœhauf. dd. ll. qui ut occurrant illi difficultati ex d. l. fin. verbum compensationis, quo ad actiones reales, quando species vindicantur, improprie sumi existimant. Nec absona videtur hæc acceptio, Etenim notum est, compensationis verbum vel proprie accipi, vel im-

proprie; *Proprie*, quatenus denotat retentionem perpetuam l. 18 pr. ff. de pigner. act. & vim solutionis habet l. 4 ff. qui pot. in pignor. *Improprie* verò, quatenus de retentionem tantum temporalem significat, & aut loco pignoris est per d. l. 18 pr. de pigner. act. aut ad certum tempus rem debitam pro indebita efficit. juxta l. 3. ff. de impenl. in res dot. fact. In hac itaq; secunda significatione capiendum vocabulum Compensationis in d. l. fin. si scilicet res ipsa petitur; quia ut saepe dictum proprie sic dicta compensatio ad quantitates magis pertinet, videatur omnino Göthaub. & Bachov. dd. ll.

THESIS VII.

Excipitur depositum, (a) sicut & actio momenti, (b) non verò commodatum (c).

(a) *Qui constitutionem d. l. fin. C. h. t. ad illum saltem casum, ubi rebus deperditis vel deterioratis estimatio rei succedit, restringunt, regulam ita ponentes, iidem etiam exceptionem de illo casu intelligunt, nimirum ne in estimatione quidem depositi compensationem locum habere; qua exceptio, regulam nondum adhuc probata, admitti hauri potest. Imò potius discendum, hodie in rei deposita estimatione compensationem fieri omnino posse; quod secus est in petitione certi corporis depositi, & hoc etiam ita observatum fuit de jure veteri. Sed jam quaeritur, quidnam per novam Constitutionem Justiniani in d. l. fin. C. h. t. circa depositum sit introductum? Hoc videlicet, ut etiam in petitione deposita certa speciei compensatio improprie sic dicta obtineat & quidem ex diversis causis; quod de jure veteri non li. ut; Quamvis enim olim compensatio impropria, ut in commodato, l. 15. §. fin. l. 59. ff. de furt. ita & in deposito locum habuerit, tamen hoc saltem factum est propter impensas necessarias, qua pars corporis esse intelliguntur, Göthaub. d. loc. (b) *Quod probant verba finalia d. l. fin. C. h. t. Et ratio est manifesta, quia Reip. interest, ut possessio per vim occupata, quamprimum restituatur: Hinc vulgatum, ipso iure ante omnia restituendus l. 7. C. ad Leg. Jul. de vi publ. c. 5. & 7. ext. de restit. sp. lit. Borch. h. tr. de compens. c. 4. n. 30 & seqq. Leonh. Cöppel. eod. tract. cap. 7. n. 16. Treuil d. Disp. 25 th 7. lit. E. ibique Huno. (c) *An in commodato locum habeat compensatio, tam veteres quam Neoterici Jcti mire se corserunt propter l. fin. C. de Commod.***

Non

Non opus habemus, ut cum Cujac. ad Paul. l. Sent. 12. §. ult. Tribu-
 nium in scitia & negligentia in simulamus, quasi in d. l. ult. C. de
 commod. pro commendati, quod idem est ac depositi l. 26. ff. de-
 pos. scribi passus fuerit commodati, & sic illam legem, qua proprie
 pertinet ad Titulum depositi, transfuleris ad Tit. Commodati, re-
 ste ob id notato à Magnifico Dn. D. Arumæo d. Exerc. 12. th. 13.
 Hottom. & amicab. Resp. cap. 21. Hillig. Donell. Enucl. lib. 16.
 cap. 25. lit. X. & alijs. Minus necessarium est, ut cum Dd. communiter
 d. l. fin. C. de commod. de casu rariore, videlicet estimatione rei com-
 modata intelligamus. Sed magis cum Magnifico & Consultissimo
 Dn. D. Franzkio Exerc. 9. quæst. 7. Bachov. ad Treutl. d. Disp.
 25. th. 7. Göchauß. d. quæst. 40. & 41. adhuc inter vocabulum
 Compensationis, quod non uno modo, ut dictum, accipitur, distin-
 guendum videtur, secundum notata in thes. 6. in fin. Quando
 igitur dicitur in commodato compensationi locum esse, vocabulū com-
 pensationis improprie sumitur, pro retentione quadam temporali, &
 ita accipitur in d. l. fin. C. h. t. Deinde etiam distinguenda sunt tem-
 pora. Jure veteri compensatio propria in commodato non admittere-
 batur per l. fin. C. de commod. ratio est quia non species cum specie, sed
 quantitas cum quantitate compensatur, & aliud pro alio invito credi-
 tori non rectè solvitur. Impropria tamen compensatio, videlicet reten-
 tio jure pignoris, de illo jure omnino locum habuit, ut patet ex l. 18. pr.
 ff. de pign. act. ad hunc saltem effectum, ut habeatur loco pignoris
 non ad illum, ut ad certum tempus debitum vel tollat vel minuat; quam-
 vis speciale plane fuerit in causa dori, juxta l. 5. ff. de impens. in res
 dot. fact. De jure novo compensatio etiam non obtinet, si scilicet res
 ipsa petatur, per superius tradita; impropria vero compensatio, qua-
 tenus videlicet de jure veteri in actione dori, (quod speciale erat) ipso
 jure minuebat dorem, quamvis constituta esset in re corporali, fundo
 scil. à Justin. in d. l. fin. C. h. t. latius extensa est, & ad omnes actiones
 reales perrecta, ita ut ipso jure res non debita videatur, donec al-
 teri parti de debito satisfactum fuerit, non tantum propter impensas,
 quod etiam de jure veteri concessum fuit, sed ex causa etiam alia. Et
 hac est nova Bachovii opinio, quam clariorem reddidere Magnifi-
 cus & Consultissimus Dn. Franzkius & Göchaulen dd. ll.

THESIS VIII.

Finis Compensationis est, ut præcidantur occasio-
nes litium (a): Effectus, ut sit vice solutionis (b), usuræ
non currant, (c) & compensare paratus moram facere
non censeatur (d).

(a) *Ne scilicet fiat per plura quod fieri potest per pauciora* l. 39.
§. 1. C. de appellat. Wesenbec. x. ff. h. t. n. 9. (b) l. 4. ff. qui po-
tior. in pignor. Borcholt. d. tract. cap. ult. n. 1. Leonh. Cöppel.
eod. tract. cap. 10. n. 1. (c) l. 11. ff. h. t. Treutler. d. Disp. 25. th. 11.
lit. B. (d) *Quatenus omnia vera sunt de compensatione proprie sic*
dicta, Bachov. ad d. Disp. 25. th. 11. lit. B. & C. Ex hoc ultimo
Treutl. & alii inferunt, Emphyteutam intra biennium Canonem
non solventem, jure suo privari non posse, si vicissim Dominus ipsi de-
beat, quod compensari possit; id quod non ita simpliciter admit-
tis Bachov. d. loc. quem vide. Et hac Disputatio-
nis, non Commentarii scribendi causâ
hæc vice sufficiant.

DEO soli Gloria.

